

平涼縣志卷之二

職官

建置

方外附

平涼縣志卷之二

職官

漢張奐燉煌酒泉人永壽元年遷安定屬國都尉初到職匈奴寇美稷東羗應之奐勒兵而出連戰敗之郡界以寧羗豪感奐威德上馬二十四匹先令酋長遺金鐻八枚奐以酒酌地曰使馬如羊不以入厩使金如粟不以入懷悉還之正身潔已威化大行

南北朝

魏于翼字文若代人周閔帝時為渭州刺史翼兄實先蒞此州頗有惠政翼又推誠布信夷夏感悅比之大小馮君焉

唐

劉昌字公明汴州開封人善騎射貞元中拜涇原節度使城平涼開地二百里扼彈箏峽又西築保定扞青石嶺凡七城二堡旬日而就在邊凡十五年身率士卒墾田三年軍有羨食邊陲安寧將士骸骨暴露昌使座之夕夢若詣昌謝者昌具以聞德宗命建二塚將日旌義士曰懷忠葬淺水原詔翰林學士為銘識其所昌率諸將祭之邊兵莫不感泣

朱忠亮浚義人憲宗時授涇原四路節度使隱覈軍籍得竄名者三千人歲收乾沒錢十萬緡吏曰耄卒不任戰者可罷答曰古於老馬不棄况戰士乎聞者莫不感奮涇俗舊多賣子忠亮以財贖免者前後數百

宋

孫繼鄴金陵人涇原路副總管兼知渭州建言蕭關故道前控大川賊騎所出誠得屬羗與奉賜且羈其率長使為藩籬則可無西顧之憂矣曹瑋字寶臣靈壽人彬之子知渭州時年十九治軍嚴明賞罰立決知鎮戎兵以軍據平地便於騎戰非中國之利請自隴山以東循古長城塹以為限又以弓箭手皆土人習障塞蹊隧曉羗語耐寒苦官未嘗與兵械資糧而每戰先使拒賊恐無以責死力遂給以境內閒田春秋耕斂而蠲其租李繼遷死其子德明請命於朝瑋請以精兵出不意擒德明送闕下復西河為郡縣帝不許既而數大族拔帳來歸瑋曰德明野心急折其翮即日將其士薄天都山受降者內徙德明不敢拒瑋嘗上涇原環慶兩道圖帝勅別繪二圖一留樞密院一付諸將按圖計事復為涇原路都鈐轄兼知渭州隴山諸族皆來獻地築堡山外為籠竿城募土兵守之曰異時秦渭有警此必爭之地也陳堯佐字希元閬中人知渭州有惠政邊境賴以安

張綸字公信潁州汝陰人知渭州徙鎮戎軍仁恕有方畧所至興利除害後曆知秦州

程戡字勝之許州翟人知渭州陝西有保毅軍人苦其役戡奏曰保毅在鄉軍外不點而有籍所以佐邊備也已隸保捷而保毅籍如故州縣以供力役率困憊至破折則產售田者猶數戶出一夫民不勝苦因詔私役保毅者以計傭律坐之進樞密院直學士

劉滬字子濬保塞人康定中為渭州瓦亭砦監押擊破党留等族獲牛馬萬計時任福敗邊城晝閉居民畜產多為賊掠滬獨開門納之全活甚衆西南有水洛城川平土沃又有水輪銀銅之利環城數萬帳漢民逋逃歸之教以百工商費自成完國滬進城章川收善田數百頃以益屯兵密使人說城主鐸厠那令內附會鄭戡行邊滬遂致鐸厠那族帳以水洛城地來歸戡令滬將兵受之驅其衆隸麾下以通秦渭之路遷內殿崇班戡又遣董士廉率兵助築城會戡罷涇原帥以為不便令罷築滬不聽上遣使往視以滬權水洛城砦主城成尋復內殿崇班滬卒蕃漢留葬水洛建祠主碑記事經畧言熟戶蕃官願得滬子弟主其城乃以其弟淳監水洛城兵馬後賜廟額曰忠勇贈忠烈侯

尹洙字師魯河南人葛懷敏韓琦范仲淹經畧涇原皆以洙為判官後曆知涇州渭州自元昊不庭洙在兵間最久於西事尤習其為兵制之說述戰守勝敗盡當時利害

蔡延慶字仲遠萊州人曆知渭州夏人禹臧范麻疑宋謀伐之使人入寨賣馬為間吏執以告延慶曰彼疑故來覘執之是成其疑約馬直授之使去彊吏掠夏畜牧戮諸境以告曰兩境不相侵則安故戮以戒若有之亦當爾也夏人悅服

王素字仲儀太尉旦季子知渭州初原州蔣偕建議築大蟲巉堡素遣卒助成之治平初夏人犯靜邊砦復以端明殿學士知渭州三鎮

涇原蕃夷故老皆歡迎夏人解去拓渭西南城濬隍三周積粟支十年屬羗納地悉增募弓箭於其行陣出入之法身自督訓為築八堡居之聽散耕田里閭警則聚士氣感奮

盧秉字仲甫德清人神宗時知渭州五路伐夏惟涇原有功夏境葫蘆川距寨二百里秉遣將姚麟彭孫襲之俘斬萬計遷龍圖閣直學士夏酋仁多嵬丁大舉入犯熙河定西城秉治兵瓦亭分兩將駐靜邊皆待其還縱擊之皆奔潰或言嵬丁已死有識其衣服者諸將請以聞秉曰幕府上功患不實吾敢以疑似成敗乎他日物色之嵬丁果死詔褒父革年老乞歸行三驛復詔還渭慰藉優渥革聞亦以義止其議

呂大忠藍田人紹聖二年知渭州奏言關陝民力未裕士氣沮喪非假之歲月未易支吾為章惇所嗾坐降待制為政寬厚不求近功去任民思之

蔡挺字子政宋城人范仲淹宣撫陝西河東奏挺通判涇州神宗初由慶州移知渭州籍禁兵悉還府不使有隱占建勤武堂五日一訓練編伍鈺鼓之法甚備蒐勁卒為奇兵別為一隊甲兵整習常若寇至又分義為伍蕃三千人參正兵防秋與春餘任耕守歲省費十之二

劉昌祚字子京真定人元豐四年為涇原副都總管詔與姚麟率蕃漢兵五萬出葫蘆川多斬獲後知渭州地宜牧養故恃弓箭

手人授田二頃有馬者復增給之謂之馬口分其地後馬死不補而據地自若昌祚舉其法不二年耗馬復初遷指揮使昌祚善騎射箭出百步之外夏人得箭以為神持歸事之所著射法行於世周永清字肅之靈州人為渭州鈐轄渭州兵勁而陣伍不講永清訓以李靖兵法蔡挺嘉其整圖上之詔推於諸道以為式既而知德順軍夏衆入犯擊擒其酋呂效忠又募勇士夜馳百里搗賊巢穴斬級三百俘數千人獲橐駝甲馬萬計並砦地三百里盜耕不可禁永清拓籍數千頃置射士二千聲聞敵廷降者引入帳下待之不疑多得其死力

章粦字質天建州蒲城人哲宗問邊事稱昌命知渭州奏城葫蘆河川據形勝以偪夏乃以三月合熙河秦鳳環慶之師築二城於石門峽江口好水河之陰二旬有二日成賜名平夏城靈平砦方興後夏以其衆來撓粦迎擊破之於是環慶鄜延河東熙河皆相繼拓境築城夏師大舉圍平攻旬日度弗克遁去粦在涇原四年凡創州一城砦九荐拔偏裨不間厠役如夏降人折可適李忠傑朱智用咸盡其力夏人遂衰屢請和漸寢兵粦立邊功為西方最夏安期德安人仁宗時知渭州籍塞下間田募人耕種歲得穀數萬斛以備賑發名曰貸倉

狄青西河人為涇原路副都總管經畧招討副使仁宗以青數有戰功欲召見問以方略會賊寇渭州命圖形以進

金

石蓋女魯歡興定三年行平涼元帥府事上言鎮戎赤溝川東西四十里地無險阻當夏人往來之衝比屢侵突明年當城鎮戎彼必出兵來撓乞徵旁郡兵聲言防護示進伐之勢以掣其肘臣領平涼之衆由鎮戎而入攻其心腹彼自救不暇安能及我如此則鎮戎可城而彼亦不敢來犯矣又言鎮戎土壤肥沃且平行臣裨將所統幾八千人每一遷徙常為病若授以荒田使耕且戰則可預備一方縣官省費而食亦足矣金主嘉納之

明

簡仁瑞榮縣人崇禎中知平涼府事十六年李自成陷潼關諸王室皆出奔獨仁瑞不去集少年技勇撤四關居民盡入城以土塞門為死守計未幾賊傳檄至仁瑞盡出其橐散給廝役召所活冤囚數輩謂曰吾義與此城共存亡但不可使先人無後吾有一子能為我衛送出城乎皆泣應曰諾詰朝賊薄城下士民皆降仁瑞衣冠自經於堂上

孫侃平定州人宏治十六年知平涼縣政教有方

清以來循良吏治更僕莫數矣然同治以上阨於兵燹後志無傳其見之斷碣殘碑及父老稱頌耳目所及接者知縣凡五十有一典史十有五教諭十有九謹以所聞稍列其行事

李煥然康熙中除修繕城郭官署民樂為用

崔國銘知平涼縣事政多便民民立碑頌其德

余繼城道光初除建修廟宇有惠政去之日民莫能忘也

趙質彬性果毅有斷迎事而決不少留滯民敬畏之在職歲餘豪強斂迹無敢犯者

王^{失名}道光中除有平政於民民德之先是民團苦於炭稅公立罷之既而又欲泐其事於石以勸來者未果尋擢去

林^{失名}踵成王公之志鑄鐵碑具其事始末迄今無賦炭事皆公之力也

張仁源字益泉陝西富平人道光二十六年陝飢仁源倡引潯沮水灌田募飢民鑿渠以工代賑咸豐初由附生入貲得照磨發甘肅借補秦州吏目同治元年權平涼縣令時陝回竄平涼回亦叛焚太平岨峪兩橋仁源敗之鑄大砲八十餘尊履四鄉勸民捐得粟麥數千石郡城始有備二年二月逆酋穆三率衆圍城適八里坤總兵呂元寓平涼仁源請於郡守田壽增復請於呂分陴固守賊久攻未下誓必克有李某授仁源子讀者也聞賊逼請携其徒出仁源拒之越數日復申前說仍拒之李乃與邑紳趙青藜密謀携仁源長子育松出仁源知之正色責青藜久之城逾危仁源語其妻李氏曰吾守南城最衝要城隍廟近南城吾自今將宿於彼萬一不測我盡忠爾盡節兒女輩胥令自裁無他囑也李諾八月十二日卯刻西南城地雷發城垣裂賊湧入仁源率衆巷戰砲子傷左乳火其襟僕近前滅之仁

源曰丈夫為國捐軀幸也何足惜即我全家亦何足惜獨憐闔城生靈無辜耳顧團勇十餘人在側曰大劫茫茫未識何時厭亂爾輩速逃勿顧我我死得其所矣言訖賊至支解之先是家丁盧同見仁源中鎗傷趨署急報李氏執所備葯先飲二女及堂姪媳孫女等復自飲危坐待變俄聞人聲若湯沸門者王元入曰賊大隊進城矣李曰吾與兒輩皆服鳩但女及姪媳皆清白體未可暴露爾速覓一所藏之元曰倉卒安得此侄育梅進曰署後有民井盍穴牆投之李乃携女侄輩至井上視次第下井已回顧次子育柏侍乃脱金釧二事付僕梁喜曰可將此携柏逃即奮身躍井中喜携柏出遇賊騎蹴踏死育梅見全家死罵賊亦被殺後育松覓仁源屍不得出李氏及三女於井衣腐而面如生指環玉佩皆歷歷可辨典史焦均照及其庶嫂李弟婦崔侄媳林陳侄孫媳陳侄元林侄女美姑侄女采芹九人同時殉事聞仁源贈知府均照追贈州吏目家屬並旌卹如例陳日新同治七年權篆平涼此時城池三次失陷守令多寄居村堡力不能制土匪甚或藉匪自衛假以義旅之名任其蠶食村堡茹柔吐剛不辨良匪日新不以五日京兆自諉極力招撫流亡未幾以病去

王啟春婺源人同治八年除是時回氛稍靖招集安撫動輒棘手啟春措置裕如時以為能

龍惠昌湘陰人繼成王君事撫卹流民發給籽糧耒耜牲畜以蘇民

困民宜之在職四年去

孫承弼正白旗人光緒元年除善判牘議修柳湖書院公與有力焉踰年遷靈州知州

余澤春遂安人二年除

張珩餘姚人四年除

朱銑金匱人七年除

黃承荃益陽人七年除四人者皆有吏才惟銑任事戇直士大夫多敬憚之

陳延芬歸安人八年除臨事而簡終六年遷武威去

高心伯湖口舉人十三年除為人崖岸自高性情拘執不洽輿情尋罷去

別瑩富平人工書精判牘初權正甯縣事遷知平涼期年卒於官張潤字康民江蘇人先知隆德縣事曆秦安通渭化平各縣八年十月知平涼有治績政尚寬平

唐受桐湘潭人博涉經史善屬古文由二尹曆為玉門高台崇信令所至有聲十六年除平涼初至問民疾苦喜文學柳湖書院高平講舍歲捐千餘緡培植士林剛正強項不阿附上官上官忌之尋以他事罷去民咸思之歲餘復官平涼勸勵學校益力每值公暇輒微服就諸生講談經史指示書法以故寒士多所造就治盜猶有能聲嘗曰御民比邑肅然

奎紱正藍旗人博忠阿之子也為人直樸自以咸豐時其父嘗官平涼有惠政在官一歲無虐民事

劉廷璜湘鄉人由縣丞遷平涼居踰年去

趙先渠湘鄉人慈惠明決有平政於民民便之居二年以憂去

張時熙黃安人居官無虐政邑人宜之

楊鼎新衡陽人通達政體有能聲性剛毅不阿時論惜之

易策謙長沙人二十六年除工迎送不善任事踰歲改知燉煌尋卒於旅

高光斗黃岡人自台灣鳳山縣遷操守清白吏民畏懷三年擢寧夏去

盧求古泰州人三十年除性慈祥謙和民德之目為長者

阮士惠陝西進士光緒三十二年除善隸書能古文然不能事上官在任二年被劾去

廖元佶廣西監生工書能文頗負時譽性平和政事亦如之

李繼訓山西舉人宣統二年除催科操切不恤民艱在任一年去

彭篤年四川監生宣統二年除性情浮燥以舞弊被劾去

徐培華湖北監生民國元年除善事大府大府亦善之尋以掛誤去

張文泉河南監生有折獄才曆官數縣均著循聲

李聯慶湖北監生剛正廉介俸祿外不名一錢

鳳來旗籍舉人以學部主事除平涼府府裁除平涼縣知事性

謹慎在職無拂人意事地方愛戴之

許蒼霖湖南監生在職一年去

張詒直隸進士廉介不苟人無非之者

李繼昭湖北拔貢通醫術居心慈祥而敷政或違之

陸恩泰榆中附生由勞績保知縣民國十四年任性情圓活富有

閱曆在職一年以時變去

李朝傑山東軍官學生民國十五年任貪酷無厭未滿一年去

馮世輔陝西人民國十六年任任一年去

趙露珍直隸軍人民國十八年任直隸能恤民在職一年去

鄧德堂直隸人民國十八年任未久去

楊承基山東人

董瑞生陝西人

王幹侯陝西人

熊芷頤湖北人

汪凱江西人

范樸齋四川人

劉興沛字雲章開原人民國二十五年由北平宛平縣長升任甘肅

第二行行政督查專員兼平涼縣長公在河北曆任煩劇均以能名

任平涼時值戎馬倉皇辦事棘手公幹旋得力省費不貲其清廉

愛民尤為十餘年所僅有人民為懸萬家生佛四字匾額跋曰宋司

馬溫公入相凡王安石所建政策陽託周官陰以漁利而病民者剗革略盡民呼為萬家生佛雲章劉公曆官數省所至有聲今年秋升任甘肅第二區行政督察專員兼我邑縣長民間疾苦一經入耳輒如身受必力予拔除而後已之官未數旬罷苛捐一萬七千餘元輿情歡騰咸慶更生以視溫公不亞也故以云錄之以見人民愛戴之一斑

典史

典史有廣元黃元芳沔縣朱映南郃陽雷發聲山陽何有為漢川周象乾海城李善政內務府鑲黃旗余春南豐趙德明山陰胡光泰陸宦保長沙譚楷富平張治庸善化畢壽昌彭巽查同登惟元芳譚楷終六年去而楷才能敏捷明於治事張時熙知縣時楷多佐理焉

教諭

教諭有段倣仁皋蘭人世居縣之南園前明理學名臣堅裔也弱冠入庠食廩餼道光辛巳舉於鄉三試禮部不第咸豐初授平涼縣教諭在職十餘年士林推重十一年俸再滿遷教授未及行會逆回叛同治二年逆酋穆三等圍城倣仁隨知府田壽增等登陴城圍大閱月賊屢立梯登城擊以矢石旋陰掘地道置葯彈其中葯彈暴發城陷倣仁率死士戰且走至署語妻吳氏曰事急矣盍自為計遂朝服赴大成殿北面叩頭畢同教諭王汝駢縊死鐘虛下時

年八十有二吳氏殉家丁李甲逸出備述其狀三年大軍克平城孫績義檢遺骨歸葬焉事聞旌卹如例

張如林鎮原人能以條理約束諸生尋權平涼府教授去

蒲蔭棠秦州人自金縣訓導改任平涼教諭居四年去

溫自勵皋蘭人居五年去

陳彬皋蘭人性英銳能文由廩貢選教諭尋舉孝廉去

馬紀承陳彬之後其行事無可述要亦無訾議云

劉繩武秦安人為人外木訥內狡險嗜利民有報農官者必先納貲

然後舉在官凡六年無教化及人惟舉農官以百十數納賄不少士多

不直號曰劉農官云

秦世德會甯人有學識居歲餘去

莫先生沛霖者隴西人也善屬文視諸生如子弟每集諸生講論

娓娓動人終日不倦在官十餘年如一日擢甘州府教授去士林今猶

思之

秦毓林武威人工書善畫脫略自高遇諸生有禮雖教澤不如莫先

生然其介節有足多者三年卒於官

姜守敬通渭舉人

李品芳涇川拔貢

孫嘉猷皋蘭人初來時不直諸生諸生亦不直之歲餘去

平涼列州置郡久矣自金以來以府名民國初廢置道則自清始

曰平慶涇道旋移駐固原同治末復駐平涼易前名曰平慶涇固化
塩法兵備道民國初改觀察使尋改涇原道尹已而改涇原區行
政視察員今改曰第二區行政督察專員兵防之任明置平涼衛指
揮十二員隸平涼行太僕寺千戶百戶各若干員清置游擊總其事
屬有千總一把總外委經制各一民國置隴東護軍使旋改置隴東
鎮守使尋廢以駐軍任防務屬縣節制以維治安者清末曰巡警民
國初改曰警察今日公安局局長一警士六十人故並志之俾後來者
知過去之變更其以道府次縣後者志為縣修也

平慶涇固化塩法兵備道

魏光燾湖南監生培植士子不遺餘力後擢至甘肅總督

周崇傳湖南翰林

鄭錫敞直隸人

向邦倬雲南人

方鼎錄湖南舉人

程鼎芬江西拔貢

陳嘉績湖南監生

何為楷安徽舉人為政知大體愛民如子弊絕風清兩漢循吏
不是過也旋擢江西臬司未到任卒

祝維城江西拔貢

徐錫祺四川附生

王會英山東翰林

張廷楫江蘇人

常祥旗人

江聯葑旌德人

王樹枏直隸進士

胡宗桂安徽人

熙麟內務府人翰林由京秩擢至外官在仕途垂三十年卒時囊
無一錢

王學伊山西進士任內改涇原道尹博極群籍工書能文而清
廉尤為同僚所不及

周務學甘肅舉人絕饋遺耐勞苦戰競自持不少疏懈呂本中
所謂清慎勤三字其庶幾焉

王宗祐浙江進士

馬振寶河南人

廉興旗人

閻士璘甘肅翰林

賈瓚緒甘肅副榜

孫福田山東人

鄧長耀直隸靜海人不矜威福勤政愛民亦晚近不可多得者

王楨河北人任內改涇原區行政長

趙露珍河北人性粗戇而守正不阿有足多者

鄧德堂河北人

楊承基山東人

甘肅第二區行政督察專員

范樸齋兼平涼縣四川人

劉興沛兼平涼縣遼寧人

甘肅省高等法院第二分院

監督審判官一 監督檢察官一

推事二 檢察官二

書記官長一 書記官長一

書記官二 書記官二

錄事四 錄事四

司法警長一 司法警長一

法警五 檢驗吏一

經費二萬九千六百六十四元

平涼府

喻光容

廖博明四川人

李國賢

王翔

徐韋佩陝西涇陽縣舉人

安福旗人

錫晉旗人

瑞壽旗人

龐璽山西翰林

羅鎮嵩湖南人

張炳華四川附生

善昌旗籍附生

同鎮牲陝西人

慶隆旗人

鳳來旗籍舉人

平涼城守營游擊

賀貴湖南人

穆振鐸西安人

張璧臣湖北人

戴福祿西安人

韓謙西安人

劉鈺武侍衛山西人

孫桂皋蘭人

德海旗人

隴東護軍使

張行志陝西人清固原提督民國成立移駐平涼改護軍使

隴東鎮守使

吳霖生安徽人

陸洪濤江蘇人民國四年來鎮是邦九年升任甘肅督軍兼省長邦人為豎碑紀勲勞其文曰隴東一隅三面邊秦甌脫秦境圍繞八九百里秦地之環我而縣者曰汧陽曰麟遊曰三水曰長武曰定邊曰靖邊曰隴曰邠皆為賊匪巢窟蜂屯蟻雜不可爬梳屠戮城邑鈔掠不辜縱橫數千里盡被毒螫大軍力剿卒莫能苗蓐而髮雉之痛斷根株民國四年大府選鎮此邦以地鄰賊衝難其人者久之已而以公來公賦性渾穆智勇沉深恂恂若儒者遇事不露鋒鋦然坦白無城府待人無疏爾貴賤一接以寬不為翕翕熱亦不為崖岸斬絕之行惟治兵嚴肅不少假借以故自將領弁卒至厠養未嘗有弁髦紀律而肆者始公之至承兵士譁變之後殘破之餘兵驕以悍民疑而忌公推赤心置人人腹中而驕者以馴悍者以柔疑忌者以懾服所提兵不滿萬人綦布沿邊八九百里勢分力單黠賊擲孤注抵死力突覬有以乘之者歲無虛日或至輒萬人或數千人勢洶洶銳其而我兵臨敵無不一以當百彼羽翼雖衆且悍五六年來迄不能入隴東一步士得安於學農得安於耕下而匠作市販牙儂僧道卜筮巫醫星相末技之流各得業其業而無所相撓吁隴東

與秦地分界處無函谷之險虎牢之塞洪河大川之間隔同一區隅也同一人民也隸彼則日供蹂躪隸我則別有地天處雲譎波詭之中享世外桃源之樂公之功也可一二數耶公兼文武所長不僅將略治軍外尤屬意吏治縣令或假軍需侵漁民伍公廉得其實輒上其事大府譴去之民國四年公之鎮隴東也適六年矣士女饜公之德多公之勤撮公事蹟壽之石以公可紀者甚多不盡次次其尤以俟治國聞者公氏陸諱洪濤字仙槎江蘇銅山縣人也云云

張兆鉀甘肅武舉

安樹德河南人

陳毓耀河南人

建置

第二區專員公署 在城內北街係舊日道署同治末平慶涇固化
鹽法兵備道魏光燾所建民國初改涇原道尹公署旋改為涇
原區行政長官公署尋又改曰涇原區行政視察員公署今為第二
區行政督察專員公署
平涼縣公署 在南街係用清初提督衙署改建同治十年縣長王
啟春以千金重建

甘肅省高等法院第二分院公署 先在道署西院設立民國八年
用武營廢府以七千緡改建此街前名箭道巷今日法院街

平涼縣公安局公署 在正街文昌宮內

隴東鎮守使公署 在西正街用平涼府衙署於民國初年改建
今為防軍駐所

教育局 在文廟東係舊府學公署民國初府學廢改建奉祀
官公署旋改置勸學所教育局

廢學使考院 在城內北街民國三年改建隴東中學堂即今甘
肅省立平涼中學

廢府公署 先在城內北後街清光緒十八年移修於正街前平

慶涇道署地址民國二年裁知府隴東護軍使移駐焉後改建隴

東鎮守使公署

廢縣學公署 先建文昌宮內後移於小學校巷內今為西街小
學校初級小學

廢府經歷公署 在今大教場西吳鎮守使建築教場因在界內
平

廢典史公署 在縣署西偏院民四年法院建設模範監獄此署
成廢府

廢城守營公署 在南街民國三年裁
廢高平驛 在縣署東今改公共運動場

模範監獄 在城西隅民國十五年創建參照浙江形式面積十五
萬二千方尺中建看守樓暨五翼監房工料費洋二萬二千五百元

縣倉 在縣署西法院街東倉廩三十餘間

鎮署大教場 在鎮署北濶約六十餘畝係舊府署遺址

演武教場 在考院東舊日考取武生即在此馳馬試箭今改

置平涼公共運動場

社倉 在西街小學校西係舊縣文廟旋改為社倉今為小學宿舍

崆峒書院 在西街旋改置織紡局童子軍校址今為初級小學校

郵政電報局 在城內和陽街賃居民房

特稅局 在東關岨兒橋東係舊百貨局今日銷費特稅局

黨部 在西街係由舊萬壽宮所改建

文廟 在城內北街明洪武四年建屢經補葺同治兵燹後魏

道光燾照祀典重修之民國五年道尹周務學捐廉三千金募

四千金復修之經始於五年九月落成於大年三月天明躬往監

工夜始歸並建忠義節孝等祠於戟門左右廟貌輝煌為隴

上冠

崇聖祠

謹按明嘉靖九年於

大成殿後立啟聖祠祀叔梁公

詔封孔子先世王爵合祀五代更名為

崇聖祠

肇聖王木金父公

裕聖王祈父公

詒聖王防叔公

昌聖王伯夏公

啟聖王叔梁公

東配位

先賢孔氏孟皮

先賢顏氏

先賢孔氏

西配位

先賢曾氏

先賢孟孫氏

東廡先儒位

先儒周氏

先儒程氏

先儒蔡氏

西廡先儒位

先儒張氏

先儒朱氏

大成殿

大成至聖先師孔子

東配位

復聖顏子

述聖子思子

西配位

宗聖曾子

亞聖孟子

謹按以上配位宋以前皆稱封爵元稱公明嘉靖九年改稱某聖
某子清朝因之

東哲位

先賢閔子

先賢冉子

先賢端木子

先賢仲子

先賢卜子

先賢有子

西哲位

先賢冉子

先賢宰子

先賢冉子

先賢言子

先賢顓孫子

先賢朱子

東廡先賢位

先賢公孫僑

先賢林放

先賢原憲

先賢南宮适

先賢商瞿

先賢漆雕開

先賢司馬耕

先賢梁鱣

先賢冉儒

先賢伯虔

先賢冉季

先賢漆雕徒父

先賢漆雕哆

先賢公西赤

先賢仕不齊

先賢公良儒

先賢公肩定

先賢鄔單

先賢罕父黑

先賢榮旂

先賢左人郢

先賢鄭國

先賢原亢

先賢廉潔

先賢叔仲會

先賢公西輿如

先賢邾巽

先賢陳亢

先賢琴張

先賢步叔乘

先賢秦非

先賢顏噲

先賢顏何

先賢縣亶

先賢牧皮

先賢樂正克

先賢萬章

先賢周敦頤

先賢程顥

先賢邵雍

西廡先賢位

先賢蘧瑗

先賢澹台滅明

先賢宓不齊

先賢公冶長

先賢公皙哀

先賢高柴

先賢獎湏

先賢商澤

先賢巫馬施

先賢顏辛

先賢曹邴

先賢公孫龍

先賢秦商

先賢顏高

先賢壤駟赤

先賢石作蜀

先賢公夏首

先賢后處

先賢奚容藏

先賢顏祖

先賢句井疆

先賢秦祖

先賢縣成

先賢公祖句茲

先賢燕伋

先賢樂欬

先賢狄黑

先賢孔忠

先賢公西藏

先賢顏之僕

先賢施之常

先賢甲楨

先賢左邱明

先賢秦冉

先賢公明儀

先賢公都子

先賢公孫丑

先賢張載

先賢程頤

謹按以上先賢位宋以前從祀者皆稱封爵明嘉靖九年改稱先賢某于周張程邵五子嘉靖時稱先儒崇禎十五年改稱先賢位在七十于之下漢唐諸儒之上清俱稱先賢不稱子

東廡先儒位

先儒公羊高

先儒伏勝

先儒毛亨

先儒孔安國

先儒后蒼

先儒許慎

先儒鄭康成

先儒范甯

先儒陸贄

先儒范仲淹

先儒歐陽修

先儒司馬光

先儒謝良佐

先儒呂大臨

先儒羅從彥

先儒李綱

先儒張栻

先儒陸九淵

先儒陳淳

先儒真德秀

先儒何基

先儒文天祥

先儒趙復

先儒金履祥

先儒陳澧

先儒方孝儒

先儒薛瑄

先儒胡居仁

先儒羅欽順

先儒呂柟

先儒劉宗周

先儒孫奇逢

先儒黃宗羲

先儒張履祥

先儒王夫之

先儒陸隴其

先儒張伯行

西廡先儒位

先儒穀梁赤

先儒高堂生

先儒董仲舒

先儒劉德

先儒毛萇

先儒杜子春

先儒諸葛亮

先儒王通

先儒韓愈

先儒胡瑗

先儒韓琦

先儒楊時

先儒游酢

先儒尹焞

先儒胡安國

先儒李侗

先儒呂祖謙

先儒袁燮

先儒黃幹

先儒輔廣

先儒蔡沈

先儒魏了翁

先儒王相

先儒陸秀夫

先儒許衡

先儒吳澄

先儒許謙

先儒曹端

先儒陳獻章

先儒蔡清

先儒王守仁

先儒呂坤

先儒黃道周

先儒陸世儀

先儒顧炎武

先儒湯斌

謹按以上先儒位明嘉靖以前從祀者皆稱封爵嘉靖九年改稱先儒
某子清稱先儒不稱子

附舊有房院地畝於後

一、房院一處係廢府儒學公署在節孝祠東邊上房三間東西廂房各三間馬棚五間過廳三間東西廂房各三間大門一座以上共房二十四間民國初文廟置奉祀官以此房院作奉祀官公署旋為教育局租居每年收租洋四十元至十九年後借居之

一、城內西城角地七段共計三十八畝模範監獄占去六畝
一、三天門山坪田地一十七段共計一頃零九畝四分八厘
一、小峴子原地一頃七十五畝劉富智名下租種五十六畝周克勤名下租種一十四畝周科勝名下租種二十九畝劉正祥名下租種四十八畝劉萬福名下租種一十八畝

一、蘇家庄蘇得祥名下租種原地二十畝
以上房院地租舊係文廟香火後由奉祀官經收自民國十八年後租多未收

武廟 在城內正街創建無考清光緒二年重修之原係關帝廟
民國初合祀關岳祠

關壯繆侯

岳忠武王

東配

張飛

王濬

韓擒虎

李靖

蘇定方 郭子儀 曹彬 韓世忠

旭烈兀 徐達 馮勝 戚繼光

西配

趙雲 謝玄 賀若弼 尉遲敬德

李光弼 王彥章 狄青 劉琦

郭侃 常遇春 藍玉 周遇吉

社稷壇 先農壇 風雲雷雨壇 厲壇 府城隍廟 縣

城隍廟 火神廟 文昌宮 電神廟 忠義祠 風

神廟 文昌閣 東岳廟 馬王廟 龍王廟 關

帝廟 朝那廟 佛籟精舍 治平寺 寶塔寺 報

恩寺 準提菴 觀音菴 菩薩殿 保國寺 龍

隱寺 增福寺 觀音掌 佛堂寺 觀音殿 白

衣寺 靈湫寺 大明寺 藥王樓 真慶宮 竈

君廟 北極宮 三聖廟 呂祖廟 魯班廟 八

龍潭 歇馬殿 演玄觀 呂公祠 雷祖廟 瞭

望臺 其在崆峒者曰真乘寺 藏經樓 十方院 茶

菴寺 舒花寺 法輪寺 寶慶寺 舍利寺 蓮

花寺 觀音堂 文殊菴 彌陀菴 七佛閣 古

佛殿 海覺寺 香山寺 凌空塔 普同塔 靈

祕塔 徹空塔 懷睿塔 真武殿 問道宮 王

母宮	紫霄宮	招鶴堂	葯王洞	南崖宮	磨
鍼觀	玉真宮	白虎殿	三教洞	靈官洞	天
仙宮	軒轅宮	淨樂宮	雷神祠	東華菴	太
白閣	準提菴	彌陀菴			

方外附

補巖和尚南安世族也慧性夙成塵緣早厭弱年受戒於廣東和尚壯歲傳法於易菴老人衣鉢相承透悟禪機七登講座普演宗旨創建文殊院於崆峒靈龜台晚年面壁獅子崖下一日召弟子示偈曰泡影形骸撈一把連忙收拾舊袈裟勞爾送我歸山去碧天鏡月浩無涯誦畢端坐而化其徒為之建塔於天台山銘之曰普同石珂和尚河湟人也俗姓馬少厭塵網遊崆峒披荆於靈龜台淨明和尚受戒於補巖師祖住城南保國寺前後四十餘年王輔臣之亂以死護山門故南郊諸寺惟存瓦礫而保國寺巍然獨存旋募建文殊院手植千樹為寺翰羽中年接法於昭覺不二和尚遂訪道於荆楚江海間歸乃日坐蒲團搯珠持念者二十載壽八十猶健歛如壯歲康熙戊戌三月坐而圓寂乃就寺左吉址髻塔而藏亮旭和尚隆德人也姓馬氏生而樸直性慧年二十八始剃度於崆峒創建靈龜台精舍後師補巖和尚習業其中繼復受戒於黃龍寶藏和尚指受單傳獨悟西來大意歸住獅子崖下苦行修持足跡不入城市後以微疾示寂遺偈曰生平六十五世事不相覩今朝歸

家去中秋月正午其來去了了如此

徹空和尚西蜀邛州人也為陳氏子夙具佛性剃度於蜀之峨嵋山受戒於燕之愍忠寺東登岱頂西陟華峰雲遊參訪足跡半天下潛心慧業妙契宗旨年既老駐錫涇原乃擇崆峒之北台而棲禪焉朝夕跏趺冥坐或時以象教善化衆生郡中之人自將吏以下爭先供俸凡十餘歲端坐而逝衆僧為之建圓寂塔於北台之轉輪崗

商挺元安西王相也初受戒於槃思亦里揀十八里八大王之叔父槃里吉察思揭兀旦夕持誦不懈益虔安西王妃及世子公主皆師事之惟謹至元九年封安西王於秦挺從行焉旋請居平涼之崆峒於東台創建寶慶寺凡木石磚甃丹堊工役之費皆王之所施予十五年八月寺落成王與妃親詣其所設佛供周視規制嘉其精敏特授陝西四川等路釋教統攝仍刻銀比三品印畀之鶴千和尚俗氏胡名明壽湖南人也壯歲從軍赴新疆保至副將中年視富貴如浮雲剃度於陝西卧龍寺雲遊崆峒擇瓦礫之棲雲寺居焉晝則赤足修山路飢即在道旁煮菜食之夜棲半間破簷下不自覺其苦住崆峒約四十年募修殿宇亭台十餘處為全山冠壽七十餘而圓寂西台云

道成和尚前甘肅督軍陸仙槎中表兄也清咸同間捻匪肇亂入淮軍領天津練軍中營繼祝髮於天津大悲寺遊綿山就介子推祠

為禮佛地譯藏經五千餘卷丙午秋遊崆峒曰名山也遂居之駐錫
靈龜台民國二年三月間山僧聞鶴鳴者三道成曰山有靈兮吾
其歸兮遂斂手足定心目端坐而逝時年七十有四江蘇銅山人也
廣成子黃帝時人也莊子云廣成子居崆峒山石室之中黃帝聞而
造焉曰我聞吾子達於至道敢問至道之要廣成子曰而治天下
雲不待族而雨木不待黃而落奚足以語至道哉黃帝退築特
室席白茅間居三月復往見之廣成子南首而卧黃帝從下風膝
行而前再拜請問治身奈何而可以長久廣成子蹙然起曰善哉
問乎至道之精窈窈冥冥至道之極昏昏默默無視無聽抱神
以靜形將自正必靜必清無勞汝形無搖汝精乃可長生慎內閉
外多知為敗我守其一以處其和故千二百歲而吾形未嘗衰得
吾道者上為皇失吾道者下為土吾將去汝入無窮之門以遊無
極之野與日月參光與天地為常人其盡逝而我獨存矣
黃居士元末人也為顯宦好道見世亂棄官入崆峒不與人交接得
純陽真人修道口訣子飲月華午餐日精九年蛻脫而化
張三丰亦作張三峰宋之擊技家本武當丹士徽宗召之道梗不
前夜夢神授拳法厥明以單丁殺賊百餘遂以絕技名於世後傳
其術於四明明嘉靖時張松溪最著名所謂內家拳也其法主
於禦敵非遇困危則不發發則所當必靡見甯波府志按明史有
張三丰傳云三丰遼東人名全一名君寶三丰其號也又號張邈

邊太祖成祖求之皆不得英宗時贈為真人崆峒志載成化間遊居
崆峒人皆不知去

賀志貞元道士也居縣北天壇山下真人洞修煉今日虎山墩其遺
址猶存

釋仁智禪師唐初於崆峒創建叢林曰明慧禪院太宗皇帝御
書賜田地隴頭法雨實肇霑於茲曆宋元明清以來宗風雖時
有盛衰然屢經變亂碑碣剝毀殆盡禪院亦更名曰真乘寺當年
清規勝境以及修證妙諦無從考究其詳惟存金大安二年鑄
獻鐵鐘載其梗概云

